



Xaverius Thaumaturgus, Panegyricum Poema

Frizon, Léonard

Burdigalae, 1684

Pars Altera. Xaverius, navalis in Acenos expeditionis autor, incensa supplicatione obtinet prædicítque in concione victoram. Tabul. VIII.
Confidentem in virtute suâ, & in exercitu suo... non ferro ...

[urn:nbn:de:hbz:466:1-69047](https://nbn-resolving.de/urn:nbn:de:hbz:466:1-69047)

THAUMATURGUS.



PARS CAPITIS POSTERIOR.

*Confidentem in virtute sua , & in potentia suā ,
& in exercitu suo... non ferro pugnando , sed
precibus sanctis orando dejecit. Judith iv.*

ID egit Moses Amalecite populo Israelitas oppugnantes dum Josue manus consereret cum hoste , ferroque dicaret ; ipse , collis de vertice , unde patebat in prælii campum prospectus , ad cœlum manus inermes suppli- citer attollebat , eoque librabat habitu victoriam . Sic enim pugnæ quasi fatum ex illius erat suspensum manibus , ut eas si remitteret , vincerentur Israelitæ ; dum erectas inten- tasque haberet , superarent . Idem Lusitanis contra Ace- nos Turcasque præliantibus beneficium Franciscus exhibuit : Malacæ , in æde Virginis Deiparæ , à monte , ubi sita est , cognominatâ supplex victoriam cœlo devocavit ; ac tanquam è specula pugnam in fluvio longinquam prospiciens , quem impetrabat , optatum felicemque successum auditoribus prænuntiavit . Rem multiplici insignem va- ticatione , ac nomini in primis gloriosam Christiano , & orationibus Consistorianis duabus , quarum aliquoties jam feci mentionem , atque ipsa Bulla Pontifícia summatum collectam prosequar .

Acenorum classis & navium numero , & militum copiâ , in quibus frequentes Jannizeri , omnique apparatu bellico ornatissima , cùm intempestâ nocte Malacam urbem inva- sisset ; deprehensas in portu onerarias incendisset , captos complures Christianos Religionis odio crudelissimè ene- casset ; autor fuit Malacensi Præfecto Xauerius , barbaros evenit

eventu insolentissimos, ac Lusitanæ genti & Christiano sanguini foedè insultantes, bello persequendi. Tanto autore, & sponsore victoriæ, suscepta expeditio, quæ plenissima temeritatis videbatur; septem omnino biremibus, quot flammæ hostili superfuerant, iisque conquassatis, Lusitanos circiter ducentos in sexaginta validissimas naves, multaque exercitatissimorum classiariorum millia sponte inveni. Accessit ominosus casus. Vix tantula classis populo spectante solverat, cum ultro dissoluta in ipso portu biremis subsidit prætoria. Tum clamor & trepidatio, ac ferè civium major in littore, quam in mari nautarum & militum. Urbis classique Præfectis vulgus, & ipsi Francisco obstrepere, tam inconsultæ, ut quirabant, expeditionis auspiciis ducibusque.

Interim sacris operabatur in cellâ Virginis collinâ Xaverius; cum trepidus ad eum festinusque à Mello, Præfecto Malacensi, nuntius advenit, qui sedandis turbis præsentem efflagitet opem. Sed accendentem ad insusurranda mandata summovet levi significatione manu, perfidiæ intentus rei Divinæ Franciscus; & jam, quid acciderit, quid moveatur, quid instet, Divinitus intelligens. Sacris mox peractis, priusquam hiscat nuntius, renuntiare domino suo jubet; stet animis, néve ullo se casu labefaciari patiatur: præsentissimum adesse summis necessitatibus Deum. Subinde effusus in lacrymas & preces; jam Christum JESUM, amorem cordis sui (hæc enim ipsius excepta verba sunt, multâ vi erumpentia) ad præsidium invocare; suapte vulnera, charitatis infinitæ pignora, intuens libertatis & salutis humanæ vindex, tantis in rerum angustiis misericors aliquâ consolationis opisque parte suos dignetur: jam Divinam Parentem, suavissimamque mortalium Patronam, ad placandum conciliandumque Filium, ad suppetias laborantibus ferendas, crebro cum gemitu suppliciter adhibere.

Qua precatione intimoque sensu fayentis Numinis confirmatus, aditum ipse prætorem urbis Mellum confirmat: & quam latè vultu gerit ac sermone sonat, navarchis militibusque impertit fiduciam. Mirum dictu! cum Malacæ

Q

Gubernator, ne quid temere in re tanti momenti egisse videretur, solenne consilium, civitatis classisque primoribus convocatis, haberet; cives, domi longè ab omni periculo confessuri, propositam omnes condemnant dissidentque expeditionem; duces militesque profectionem clamant, alacriterq; universi depositunt. Agebat scilicet Francisci meritis votisque adspirans Deus; & militares animos, supra difficultatem omnem probabilemque rationem erectos, incredibili spe concitabat.

At ipsum præcipue Xaverium, gloriæ suæ fidelissimum administrum actoremque movebat efficacissimum. Qui ad sacrum bellum strenuè capessendum, in quo Numinis causa & religio, non solum dignitas nominis Lusitani & publici commodi ratio, ageretur, pie vehementerque cohortatus; ac milites ad memoriam decusqne revocans dæti pridie in hanc expeditionem Christo sacramenti (unde & Christi Cohortem appellari); gravissimum pondus addidit orationi, promissum ita resarcendæ jacturæ, ut probiremi una demersa, quo tamen casu neque nautarum quisquam, neque militum periisset, supervenirent dux, ipso illo die, naves amissæ potiores. Hoc verò cunctis decretorum planè visum: & prædictionis fama per urbem vulgata, animos expectatione, curiositate oculos excitatit.

Nec vaticinationi defuit exitus. Horâ ante solis occasum, è monte Mariano, ubi supplicationi instabat Xaverius, datur signum, apparere naves geminas; quas privati juris esse, alteram penè Jacobum Soarium, penè ejusdem filium alteram, compertum est missâ exploratoriâ scaphâ, cùm altum hæ tenerent, neque Malacam vellent portorii fugâ divertere. Ambæ tamen Xaverii interventu, consenso lembo nobiles adeuntis institores, adjunixerunt se se classi cum sexaginta, quibus erant instructæ militibus. Hac auxiliâ tam opportuna accessione recreati animatiq; Malacenses: & Lusitani milites, qui, jam ante denuntiatum à Francisco opis adventum, suâ sponte generosum pulchrumque jusjurandum de belli sacri periculo omni subeundo renovarant, octo biremibus, cum celoce unâ,

vela fecere, votis prosequentibus civium; & magnâ utrinque conceptâ spe, tanquam auspicio patrocinioque oppigneratæ Xaveriano, victoriæ.

At quanta levitas in vulgo! quam vaga opinionum voluntatuinque mobilitas! Mari, cui adjacet, persimilis Malaca agitatione populari, & sensuum, quasi fluctuum, æstu volubilis, effusa illa studia, legitimaque & honorifica judicia cum iniqua existimatione & alienatione commutat. Cum profecta classis hostem diu frustra quæsisset, longius avectum; jamque plus quadraginta dies fluxissent nullo de ea nuntio Malacæ accepto: nimirum sollicita metu civitas, dum tenues reputaret copiolas & naviculas adversus robustissimam classem barbarorum tetendisse; ac sparso insuper ab ethnicis finitimis rumore, victos concisosque ab Acenis Lusitanos, ita prorsus factum, ut timori prona est in pejus fides, rebatur, omnes aut prælio aut naufragio interisse; nec reliquum unum, qui stragem nuntiaret. Hinc suorū desideriū, hinc parentū afflictatio, luctus liberū, uxorum mœror, cunctorū ferme, quā consanguineos, quā amicos requirantium, squallor & comploratio. Tum verò suum cuique periculum ante oculos; quid urbi futurum, si victor Acenus classem iterum admoveret? propiusque malum ab Vintano Rege potentissimo; qui paucis milliaribus sejunctus, dissimulanter habat in armis & ancoris, haud dubiè oppugnationem meditans ademptæ quondam patri suo Malacæ; nunc præsidii flore ablato, nudo portu, exhausto armamentario, imparatæ, destitutæ, spoliatæ, ad cladem & ludibrium objectæ. Ergo Xaverium illum, quem priùs ferebant in oculis; quem descendere cum sacro manipulo militum cupientem, ut cujus esset adeundi suasor periculi, comes etiam foret, omni contentione publicum ad solatium munimentumque retinuissent: jam gravem ac pœnè odiosum habere, perinde ac funesti consilii principem, expeditionis temerariæ incentorem. Nec jam vaticinationis proximæ, totque aliarum recordatio, & insignium miraculorum, quibus inclita viri sanctitas Divinaque sapientia præluisseisset, ingratos reverentiâ in officio continebat. Præfectus ipse urbis nonnullam præ se indigna-

O ij

tionem ferebat , abusum facilitate suā dolens Franciscum ; ejusque se confidentia in Malacensium offenditionem adductum : ac propè oculos hominum , à se carissima capita repetentium , vitare coactum & carere publico.

Sic adeo moderatrici rerum omnium Providentiæ plauit servi ministriique sui fidelissimi & constantissimi patientiam exercere , amplificare gloriam , mœstia civitatis & desperatione sumiam in admirationem Xaverii gratulationemque convertendā . Consolabatur ille familiari passim colloquio , & concione frequenter , sollicitudinem incolarum : fluctuationem supremā parum bonitati potentiæq. fidentium arguebat : nefariam quorundam curiositatē , ad magicas artes & beneficia confugientium , atque inde responsa , qualia ab perturbatore vexatorēque hominum fuerant expectanda , reportantium impietatem acerrimè insectabatur : classis autem Christianæ felicem in hostes motum , victoriamque precibus accersendam commendabat more perpetuo solennique formulā auditoribus . Atē nim cūm iteratam toties , nulloque , ut videbatur , fructu commendationem jam homines subirati non modò animis , sed auribus quoque respuerent ; ac potius orandam cæsis aut submersis veniam , quam victoriam pugnaturis mussitarent : denique in paucis illustre , & tunc omnium plausu Malacensium , totius mox Indiæ celebratum , Prophetiæ specimen dedit .

Alloquebatur è suggestu inter Divinæ Liturgiæ mysteria Xaverius , præsente urbis Gubernatore , populi multitudinem plurimam , quam conciverat ipsa diei celebritas (agebatur enim Adventūs sacri Dominicus dies primus , eo anno , pridie Nonas Decembres :) cūm repente in ipso orationis cursu conticescit , at perfacundo silentio . Alienatum quippe à sensibus animum procul evolasie apparet , & spectaculo interesse cuidam insolito . Stabat stupore defixus , & stupore defigebat circumstantes . Erraticos vultūs colores jam gaudio , jam dolore mutabat : spem , timorem , alternis ostendebat . sed eminebat sollicitudo & commiseratio , ardensque cupiditas caris quibusdam hominibus succurrendi , ingenti periculo ac labore configen

tibus. Et verò atrox cruentumque prælium describebat, sed per ambages, & subsultante quodam impetu, abruptisque & pendentibus sententiis; ut non tam agere, quam agi Divino Spiritu cerneretur.

Mutila inter ac dimidiata verba distinctiùs hujuscemodi voces auditæ sunt, cùm manus supplices ad Christum sublimem in cruce, templi sub fornice propositum, flagrantibus simul & lacrymantibus oculis protenderet. O JESU, Deus cordis mei, obsecro te per acerbissimos tuos cruciatus, serva quos pretioso sanguine redemisti. defende tibi addictos, in tua Religionis propugnationem juratos, devotos. Cohortem tuam vindica: tam impares hostibus adjuva; piorum militum globum ab insana vi barbarorum tuere. Talia multa vario motu & animi & corporis incitatissimè vibrans, extra se raptus, atque in frequentissima concione tanquam cum Deo solitarius; ab illo demum fervore vastaque jactatione abjecit se, brachiisque in oram suggesti depositis caput exceptit. Mox, ubi aliquanto silentio respiravit; quiete ista veluti refectus, & mira quadam cœlestique suavitate frontem ac vultum explicans; jam non intercisis, non ambiguis & cœcis vocibus, at clarè disertèque nuntiat victoriam. Pugnavit classis, inquit, Christiana; Christus vicit. Hoc ipso articulo temporis Acenorum exercitus omnino profligatus: quatuor solummodò è nostris capita extincta pluribus hostium interfectis milibus compensata sunt. Nuntius victoriæ, à classis Duce praemissus, aderit feriâ sextâ proximâ. ipse nuntii vestigia sequetur cum suis triumphans, hostilibusque abundans manubiis Imperator. Tum edixit auditoribus concionator mirabilis, ut secum oratione Dominica & Angelica salutatione recitatis exercituum Domino splendidissimam victoriam gratularentur; iisdemque precibus iteratis procurarent occisos milites Lusitanos. Atque hac perfunctus denuntiatione, exscendit pulpito. Nec poterat efficacior ad motus animorum peroratio adhiberi.

Laboraverat simul cum æstuante Xaverio sua concio; ac, quorsum esset tanta modestissimi hominis evasura agitatione, diu tacitâ expectatione pependerat. Usque adeo fau-

stus quasi tragicæ actionis exitus, quo sensu coronæ acceptus fuerit; tam optabile, tam insperatum victoriæ præconium, quām effusā lātitia celebratum, quis assequi vel cogitatione possit? Ipsi profectò gestire templi parietes videbantur. Nec cuiquam ex illa frequentia seu procerum, seu plebeiorum dubia accidit vaticinatio. ita dicendi tota ratio, præter illustria de viri sanctitate præjudicia, spiritum exhibuerat Propheticum! Matribus tamen familias, jucundissimæ prænuntiationi timidè credentibus, eodem die Franciscus pomeridianâ concione seorsum in æde Marianâ victoriam suorum, felicemque designato die redditum certa liquidaque asseveratione confirmavit. Et jam, quem Malaca rursus indicem audiebat præconemque victoriæ; ejusdem à Superis conciliatorem confectoremque Lusitana classis eo ipso, quo primū is rem declaraverat, tempore matutino senserat, loco ab urbe quadringenta ferè millia remoto, ubi commissum erat prælium. Acenum confidentem potentiam suā, & virorum naviumque copiā, Moses alter non ferro pugnando, sed precibus sanctis orando dejecit.

Christianam classem aura secunda provexerat ad Pilocambilum, ditionis Malacensis fines, metasque navalis excursus præscriptas à Malacensi Gubernatore. Sed Acenos eatenus frustrā venati, nullo eorum deprehenso vestigio, nec limites ausi definitos præterire, cū renavigare Mālacam re infectā Lusitani dolentes cogerentur; reflantibus ventis, non sine consilio Divino, amplius viginti dies à reditu prohibiti sunt. Dein remittente se adversa tempestate, verū deficiente commeatu, cursu intēdere longo intervallo plagas versus fœderatæ gentis Peguanæ: orāmque Cedanam legentes, aquationis & annonæ gratiā, quos mari non invenerant hostes, in fluvio repererunt. Sub ostia Parlis fluminis, cū fortè præterlabentem scapham occupassent pescatorum, ex iis cognitum, Acenos vicinā regione pervastatā, non procūl amnem totā classe insidere. Hic verò majorem in modum gaudere, & animis exultare Lusitani, quæsitam opportunitatem congressus tandem aliquando nacti: & classi præfetus Deza, splendidissimo ex-

cultus paludamento, commeatum omnem ad epulas in milites nautasque jubet profundi, festâ tormentorum omnium displosione triumphi speciem agitari. Sic nimirum excitatos semel animos impleverat Xaverii fiducia; ut securi pugnæ, victoriam unicè à tanto Vate desponsam reputarent.

Quare, ultro concitatis ardentibusque nihil erat necesse hortationem adhibere. Dux tamen ne quâ sūi muneris parte supersederet, actuariolo naves obiens, in primis fidem promissorum commemorabat Francisci Patris optimi, ac Deo gratissimi, recentemque in hac ipsa causa de biremi gemina prædictionem, eventu comprobata: illius assiduam pro classe fervidamque supplicationem ostentabat. Magnificâ appellatione, quâ essent ab eo honestati, Cohortis Christi nunc dignos fese præstarent: Christo ad aras publicè capita sua consecrata, repetitoque devota sacramento. Nec verò omittebat præsens augurium pignusque solidæ victoriæ, captum de myoparonibus Acenorum quatuor exploratoriis; quorum à scaphis Lusitanicis tribus tres fuerant expugnati, perductique ad Christianam classem: quartus sibi fugâ coululerat. Valebatque ad acuendos & inflammandos animos extortum à vectoribus myoparorum captivis indicium; Acenos in orâ, ad quam constiterant, arcem moliri, quâ flumini immidente naves interciperentur Malacam à Bengala commen-tes; capti Christiani omnes trucidarentur.

Ab imperatoria concione Deza navalem aciem instruit in recessu ad promontorium fluvii Parlis, qui altus latusque ac rapidus, & ubi se evolvit in mare, maris instar obtinet. Vixque erat modica classis instructa, cùm auditur hostilium buccinarum & tympanorum strepitus, & barbaricus ululatus. Intellecto Lusitanorum accessu ex myoparone, qui fugâ evaserat, Aceni furore præcipites toto anime ferebantur. Agmen ducebat Bajaius Soora, Saracenus, ferociâ & crudelitate nobilis, quem Acenorum Sultanus Alaradinus Regem Pedirensem crearat, classique præfecerat. Decem in ordines tributa classis: in primo triremes quaternæ, Turcicæ, quarum maximâ validissimaque

Rex vehebatur: in ceteris novem ordinibus biremes, senæ singulis attributæ; omnes omni armorum genere, sclopetorum præsertim ac bombardarum instructissimæ; deniq; ut proditum à speculatoribus captis fuerat, militum naufragiumve millibus. Octo biremes contrà educunt Christiani, supra ducentos omnino triceni; Lusitani plerique, Indi reliqui. Sed aderat suorum tam impari numero Xaverius, qui Malacæ interim spectabat animo discriminem; ipsoque in suggestu, dimisso concionis institutæ argumento, pugnabat & scilicet vincebat summâ valentissimæ apud Deum orationis contentionem.

Et apparuit Numinis erga Christianos favor ipso congressus principio. Aceni festinatâ & inconsultâ exoneratione tormentorum inanem fuderunt pilarum procellam, Lusitanis extra jactum positis innoxiarum. Contrà, jam incalescente cominus prælio, ex altera Soarianarum biremium, quas classi accessuras Franciscus prædixerat, globus æneâ feliciter machinâ intortus, navi regiæ tam violentum incussit ictum, ut eâ labefactatâ depressaque affecerit victoriam. Tanto casu coortus ingens tumultus; triremesque imperatoriam affectatæ, curam omnem ab inita pugna ad eripiendum aquis ducem proceresque naufragos convertêre. Atenim qui trepidè incumbebant alienæ saluti, suam ipsi projiciebant, universæque classi exitium accersebant. Obliquatæ triremes obstant secutis biremibus; quæ secundo & torrente flumine, velis remisque concitatæ, incurruunt transversis lateribus. Has aliæ subsecutæ premunt: impinguntur proræ puppibus. Longâ serie magnoque impetu naves invicem, à fronte, à tergo, cum fragore collisæ, tanquam sociali inter se bello configunt. Hærent permistæ, arctatæ, confusæ, ac mirum id, planè divinitus, accidit; ut tanto numerosiorem Acenorum classem paucæ Lusitanorum biremes circumvenirent: perturbatam, ac veluti irrecitam constrictamque efficacissimis precibus tradente Xaverio, antequam explicare se posset, quater excussis omnium tormentorum fulminibus verberarent; naves obruerent novem; plures conquassarent, lacerarent; stragem ederent barbarorum. propiusque in-
victi,

vecti, & transilientes Christiani injectis uncis in Ace-
norum navigia, bolidibus, sclopis, contis, gladiis infe-
sti, cuncta cæde miscebant.

Verùm fluvio emersus, receptusque à suis classiariis Soora
dux, irâ furens ac desperatione pugnam restituebat: cùm
glande catapultariâ graviter percussus, animo prorsus
defecit, sēque abductis navigiis duobus è conflictu abs-
tulit. neque effugit tamen, intra horas aliquot plagâ ac-
ceptâ confessus; atque indecorâ morte impietatis, arro-
gantiae, immanitatisque poenas luit. Et adhuc restitit clas-
sis duce destituta. Flos ille nobilitatis Acenæ & cohortis
regiæ; robur illud Jannizerorum, aliorumque Turcarum
ingenti numero delectorum, aliquandiu repugnarunt; vi-
ctorum benignâ ad deditioñem invitatione ferociter re-
jeçta. Sed plurimi terrore amentes, dum ferrum ignemq;
Lusitanorum fugiunt, in amnem sese præcipites dederunt;
nulloque inter rapidos vortices enatandi loco relicto, ab-
repti extinctique sunt. Præter eos Regis Pedirensis comi-
tes, qui sanè pauci exitum pugnæ certumque exitum fugâ
præverterant, tantis ex Acenorum copiis superfuit nemo.
milites quidem universi ferro, flammâ, aquâ consumpti.

Horrendum verò, sed victoribus haud ingratum specta-
culum, fluvius atratus cruento; lacerarum navium fragmen-
tis & spoliis, barbarorum armis telisque, corporibus trun-
cisque membris constratus; & naufragii specie mistum in-
cendium. Captæ à Lusitanis naves omnes, decem exceptis,
quas inter congressum tormentis depressoñt; bombardæ
trecentæ cum cetero instrumento bellico. Ad hæc ingens
facta nec-opinantibus accessio est. Auditâ Christianorum
victoriâ, occasionem suam ratus, ultionisque avidus Rex
Patanensis, cuius regionem populati Aceni fuerant; in
eorum ducentos, ad captivorum prædæque ex direptis
oppidis acervatae custodiam, quo loco arcem designave-
rant, relictos præsidioque collocatos, tumultuario agmine
impetum facit, omnesque ad unum concidit. Inde occu-
patis, quas eandem ad oram habebant, triremibus geminis,
cum lectissimâ suorum manu ad Malacensem classem prono-
amne decurrit; victoriam gratulatur: ac regnum, quod

P

ex hostibus receptum debere se Lusitanicæ fortudini profitetur, in clientelam confert Lusitani Regis.

Felici gloriosoque successu rerum Deza cumulatus, post concrematum quidquid navium erat Acenarum prælio quassum nautisve spoliatum, præmissâ ad nuntium celoce, Malacam repetit, jam certâ expectatione victorum ex Francisci prænuntiatione erectam. Quibus gaudiis effusa ruit in portum civitas universa ad prospectum classis triumphali pompâ redeuntis! Nec tantum voluptatis affreabant explicata multo cum splendore vexilla, tubarum festi concentus, crebri latique urbem salutantium boatus machinarum; quantum illæ ab octo biremis ductæ naves captivæ ad quinas & vicinas. Crevitque cum voluptate admiratio, ubi rescitum est, tot alias naves amne demersas, igne absumptas; tot hostium pugnacissimorum occisa milia; in Christianâ parte Lusitanis omnino quatuor concursu atrocissimo peremptis. Ac dum curiosè cupidèque urbani pugnæ ordinem requirunt; collatâ ratione temporis compertur omnia cognitioni descriptionique publicæ, dum res gereretur, Xaverii, tanto locorum intervallo disiuncti, exactè respondere, fortunatumque redditum egregiè prædictioni consonare. Aderat ipse, nec pars modò, sed caput materiesque amplissima gratulationis, Xaverius. aderat vero in cruce spectabilem Dominum præferens, ut omnis à se aversa laus in unum conferretur autorem victoriæ; quem sacri milites sibi, ut erant jussi, medio in æstu certaminis proponentes piè faustèque inclamarant. Facere tamen haud potuit, quin illam Christi Cohortem palmariam complexu tenerrimo excipiens, à Præfecto classis ad ultimum classiarium; mutuaque inter gaudia lacrymis eos perfundens, qui sanguini suo in Christi causa non pepercerant; ab omnibus uti sequester interpresque victoriæ suspiceretur, ac pro suo merito coleretur.

Hostium quidem insidias Elisæus Israelitico Regi indicavit; at ipsos insidiatores non oppressit: pericula detexit, quæ prudentiâ & occupatione locorum caverentur. Plus aliquid egisse in hac parte videtur Xaverius: fortitudinem etiam ad propulsanda vincendaque pericula, ad hostes

THAUMATURGUS.

115

acerrimo prælio debellandos præsttit. Et victorias idem ille Propheta de Moabitis déqué Syris prædixit: & (quod Xaverianæ proprius est visioni, quanquam in alio genere) absens corpore interfuit animo, dum recusatorum ab ipso munerum partem famulus, quæsito colore & heri nomine per fraudem obtento, peteret à Naamane: graviterque improbitatem, avaritiam, nominisque sui interpositionem dolosam vindicavit. Par notio fuit, sed multò lenior animadversio Francisci in Joannem Deiroum, comitem suum; non è sua tamen illum Societate: qui ex ipsius magistri divisione, sacro postea Franciscanorum adscriptus ordini, semet indicavit prodiditque post viri sancti excessum, dum tabulæ de Xaverianis rebus legitimè conficerentur. Juratus enim affirmavit; se, cùm stipem luculentam ab quodam Lusitano clam accepisset in Xaverii commodum, ab eo relegatum in parvam & desertam insulam, Malacæ propinquam: ubi per visum in superbo templo oblata sibi fuissest augustissima cœlestis Reginæ forma, folio insidentis pulcherrimo, Deumque puerum sinu gestantis. à quo, demittere sese amanter dignato, cùm manu prehenitus offerretur Matri, ab hac se rejectum, vitia exprobrante, quibus esset repulsam meritus. Brevi revocatum se à Xaverio Malacam, interrogatumq; de visis, omnia celasse: verū omnia sibi, ut acciderant, ab eodem Xaverio singillatim exposta.

Quod attuli proximè, cum narratione est superiori Malacensis rei conjunctum, & loco (quippe urbis in ejusdem partim viciniâ, partim gremio factum;) & ipso genere notitiæ; cùm semotorum fuerit arcanorumque visorum divina perceptio. Nunc quod adjungam, cùm ipsa implicatum est relatâ ex Aenis victoriâ. Cultum loquor exhibitum à Francisco Virginî Deiparæ, ac vicissim bengnissimæ potentissimæque Patronæ Francisco impensum præsidium. Hujus in æde montanâ, sicut jam notavimus, inter Divinam rem faciendam agnovit Xaverius intimo cœlestique lumine turbulentum casum dissolutæ demersæque biremis prætoriæ; simul fiduciam, certamque hausit prænotionem damni tempestivo subsidio cumulate reparandi. Ibidem vo-

P ij

tis precibusq; insistens assiduis, enixè Adjutricem Divam implorans, animos viresque transmisit militibus Christianis adversùs barbaros pugnantibus. Sensit utique *Dominam victoriæ M A R I A M* non secùs India quām Europa; istoque pariter nomine Victricis Dominæ templo, sic tanquam religiosa extruxit ornavitque trophæa. *Mulierem fortē Xaverius, & quavis acie terribiliorem invenit. Procūl, & de ultimis finibus pretium ejus.*

Hac ego occasione quādam alia mihi perstringenda existimo de singulari Xaverii in optimam maximam Parentem pietate. Ac primùm occurrit illa sui Xaveriana dedicatio Parisis, cum Ignatio primisque Sociis, in Augustissimæ Virginis æde suburbanâ, quam situ Malacensis imitatur, in Monte-Martyrum; & luce in cœlum Assumptæ Virgini sacrâ. Jam tum arctam, spineam, cruentamque in cœlum viam affectans; ibi præter gemina paupertatis & castitatis perpetuæ vota, sancte Deo promisit Hierosolymam se transmissurum, non simplicis & usitatæ peregrinationis ergo, sed potissimum curandæ infidelium conversionis, vitæque ob amorem Christi Domini profundendæ. cui transmissio ni si quo Divinæ Providentiæ consilio locus non daretur, operam se Pontifici Romano ad Evangelicas missiones, nullo vel stipendio exacto, vel tempore locove excluso, delaturum. Jam verò designatus Indicæ vineæ cultor, susceptaque profectione, Lauretanum adiit Genitricis Divinæ sacrarium; illi, quod aggrediebatur, iter immensum, opusque planè heroicum ardentissimè fidentissimèque commendans, per ipsam Deo immortali, Christo laborum suorum duci, viæ metæque, commendandum.

Inde progressus Olyssiponem, præcipuo sanè animi sensu coluit Bethleemiam, quæ vocatur, ædem, in ipso aditu atque ore portus Olyssiponensis conditam ab Henrico, Eduardi Lusitaniæ Regis fratre. qui Princeps & bellica fortitudine, & mathematicarum disciplinarum scientiâ, & morum præsertim sanctitate, illibatoque, ut creditur, virginitatis flore, quām regio sanguine illustrior; colesti voce stimulatus ad maturandum, quod agitabat de construendis mittendisque in Oceanum classibus, ad Evangelii per-

longinquas gentes propagationem; MARIAE Virginis Deiparæ, quam mirâ observantiâ venerabatur & navigationis auspicem constituebat, nomini honorique facellum posuit; quod subinde Emmanuel Rex in amplissimum templum exædificavit, collocatis in ea statione sacrorum administris frequentibus ad classiariorum animos Christiano rito procurandos. Itaque hanc expeditionum Indicarum communem certamque Præsidem Xaverius peculiari propriaque sibi ratione adjungens, toto, quam longus fuit, cursu eximiam venerationem Matris amantissimæ ac beneficentissimæ pertulit in Indiam; ubique locorum fovit auxitque omni curâ & industriâ.

Neophytorum multitudinem Christianæ imbuens doctrinæ rudimentis, seu Fidei Symbolum Apostolicum, seu legis Divinæ Decalogum explanaret, singula ex ordine tradita capita consignabat precatione geminâ, ad Christum Dominum alterâ, qua gratiam, prout ferebat res, vel ad fide tenendum articulum, vel ad opere implendum præceptum, simul omnes orarent: ad beatam Christi Matrem alterâ, ut eandem clientibus optatam gratiam à Filio exoraret. Quin perpetuâ & spectata significatione cultum Franciscus docebat Marianum, cuius insigne collo circumdatum gerebat: ut olim instituerat, è Galliâ per fines Germaniæ contendens in Italiam. medios inter Lutheranos, ad profitendam Catholicam Religionem, unâ cum sociis coronam precatorium cervice suspenderat; eaque coronâ è vilibus globulis consertâ, at MARIAE dicatâ, ornatiorem se, quam vel aureâ torque, vel gemmeâ coronâ ducebat. Sed illiusmodi Xaveriana corona in orâ Piscariâ non tam precum habebatur instrumentum, quam miraculorum. Vagabatur per manus populi; ac pueris avidè expectibus præbita circumferebatur ad ægros, quos ipsi præ infinitis occupationibus Apostolo visere non vacabat. & salute attactum confessim sequente, Davidicis verbis gratulari cum singulis infirmorum jam sanatis, Francisce, poteras Deo, qui coronat te in misericordia & miserationibus; qui replet in bonis desiderium tuum.

Sensit istius Virgineæ coronæ mirificam vim pius mer-

cator; cui valedicenti in procinētu ad conscendendam nā-
vim, pignūsque aliquod amicitiae roganti, Xaverius collo-
detractam coronam dedit, munus ornans locupletansque
promisso; quamdiu secum eam haberet, maritimo casu
nullo peritum. Constitit vaticinationi fides. Mercator
facto naufragio, cum aliis nonnullis vectoribus in tabulata
raptim composita desiluit. Tunc alienatis à præsentissimo
periculo sensibus agere sibi cum Patre Francisco visus est
illo ipso loco, ubi coronam acceperat. Quinto pōst die
ad se rediens, ac velut alto placidoque somno solutus, vi-
dit se extra omnem aleam periculi in littore collocatum,
nec comitibus nec tabulatis usquam comparentibus.

Ita suæ in Virginem pietatis insignibus utebatur ad
miracula Xaverius: nec verò minùs directis ad eam preci-
bus votisque conceptis. Vel illius scaphæ, procellâ ab-
reptæ, de quâ tertio capite scriptum est, recurrat memo-
ria. Negabat, maternæ bonitatis potentiaque conscius,
perire eos posse, quos ejus tutelæ commisisset, quamvis in
altum turbine ablatos, in apertum extremumque discri-
men projectos: quorum pro salute (Mauris præfertim
duobus, in scaphâ deprehensis, æternam perniciem aver-
tere laborabat) ter se Malacæ in cellâ montanâ Deiparæ
sacris operaturum vovisset. Atque in suo ipse summo pe-
riculo, ex tempestate, quantam antea vidisset nullam,
cùm essent vectores nautæque desperatione abjecti, dolore
exanimati; quò facilius (ait mirâ cum animi demissione,
in epistola ad Socios Romanos) delictorum meorum innu-
merabilium veniam impetrarem, sanctissimam Dei paren-
tem adhibui, quæ cœli Regina nullo negotio, quidquid
orat Filium, exorat... tantisque præsidiis circumseptus,
quantam explicare nequeam, perfruebar voluptate.

Quam verò assiduus fuerit in ambienda precibus Ange-
lorum hominumque Regina Xaverius, insigne documentum
edidit Meliapore in templo D. Thomæ Apostoli, quem
ducem intuebatur, primum Evangelii per Indias fatorem.
Commodum amicumque sibi, homini per diem occupatissi-
mo, noctis otium ac silentium captans, ædi sacræ irrepe-
bat, monitus licet infestæ spectris dæmonumque horrendis

Simulacris viæ malè credi. At ille , quâ erat altitudine animi, ludibria ista minasque contemnens, ad aram Virgini Matri inscriptam pernox conferebat sese: nec objectis immanibus formis deteritus, nec dirissimis infernorum hostium verberibus est prohibitus ab illis pietatis excubiis. Ubi primùm à fævissimis plagis convaluit, eandem repetit officii religiosi stationem; ipsosque illos terriculamentorum & malorum omnium machinatores, ne quid in supplicem Accœmetam auderent, constantiâ suâ deterruit; ac nimirum Dominæ , cui noctes diesque purissimo animo castissimo que corpore serviebat, præsenti fauore auxilioque fregit. Nec semel hoc præsidio evasit dæmonum vîctor; sed perpetuo conflictu, quanquam non externo itaque tumul tuoso, exercitus, atrocitatem conatusq; omnes tenebrosarum furialiumque potestatum despexit atque obtrivit. Per se quidem fævire in hostem capitalem, tyrannidisque suæ eversorem, violentos grassatores non alias passus est omnium certaminum arbiter Deus: at innumeris modis agitare Xaverium, insectarique per suos; per idoneos conseleratosque homines, odii sui furorisque satellites, crebro vim quoque plagasque inferre permisit: quod variis suâ locis notavimus.

Fraudibus autem quid non egit nequissimus ille spiritus, erroris impii superstitionisque artifex & materies, cunctique flagitii princeps ! in Japonicâ maximè navigatione, quam interturbare prorsusq; impedire nitebatur, ne regno suo , ultimoque receptu & angulo terrarum exturbaretur. Cùm habere in sua potestate videretur Xaverium; qui Japoniæ percipidus, alio deficiente navigio, credere caput suum piratico lembo, cœlesti ope confisus , non dubitarat; Apostolicum virum adversarius Tartareus, prædo animalium teterimus , vexare instituit per ethnicum nivalarium, à nutu suo pendentem; idolique, quod invitissimo Xaverio colebat, responsis fallacibus maritos cursus moderantem. Non solum trahendis moris, captandisque, contra fidem & pacta, Sinarum oris & portubus pro Japoniis, sancta eludere consilia studuit; sed ipse & ministribus dictis præconem Evangelicum petiit, & dolosis factis

casib[us]que ad sanguinem incitantibus. Verūm artes illæ omnes machinæque irritæ ceciderunt, agente apud omnipotentem Filium Virgine, patronâ certissimâ. cuius ut beneficio intelligeretur Japoniæ aperta Francisco janua, ipso Assumptionis festo die applicuit Apostolus: illo, illo die, quo prima de sacris expeditionibus vota quondam ediderat, annisque singulis, quamdiu Lutetiæ restitit, instauraverat, & solenni augustoque die, & loco Reginæ Martyrum Cœlestiumque omnium gloriosissimæ consecrato.

Jam Evangelicæ in Japoniâ prædicationis ab eadem Virgine ducta primordia; cùm Paulus à Sanctâ Fide, Japonum Christianorum primitiæ, ab Xaverio piè institutus, Matris Virginis, Je s u m puerum gremio foventis, eleganter pictam effigiem produxisset, ex mandato Francisci, coram Saxumano Rege, qui cum Regina eam veneratus est, ultro subsidens in genua, jussitque ab aulicis pariter universis adorari. Quid, cùm ad Bungensem Regem honorifico, in Evangelii commendationem promulgandi, comitatu apparatuque deductus fuit Xaverius à Lusitanis, qui Figensem ad portum sub id tempus appulerant? M A R I Æ Deiparæ imago, pompæ ferculum spectatissimum, prælata Apostolo Religionem Christianam invehenti. Age verò, quid haberet propositi Franciscus ad cultum excitandum Virginis, ab omnibus terrarum gentibus æratibusque beatæ agnoscendæ & celebrandæ, litteris ad Petrum De Silva, Præfectum Malacenum, Can goxiæ datis præclarè significat. Et quidem præfatus initio litterarum se in Japoniam denique pervenisse fausto & auspicio die, Assumptæ in cælum Deiparæ sacro; sub finem consilio jam studioque designat Meati templum Deo dicatum in honorem sanctissimæ Deiparæ Dominae nostræ; ut qui deinceps in has insulas navigabunt, in horribilibus illis Sinici archipelagi procellis invocare possint Divam Virginem Meacensem. quæ mutuara verba sunt à doctissimo Possino, Xaverianarum epistolarum novo pleniorique interprete. Invocavit ipse ad extremum spiritum Apostolus Matrem Divinam, suamque felicissimâ experientiâ probavit. animum virginalem in

THAUMATURGUS.

121

emisit in parentis optimæ sinum , ejusque manibus commendavit amantissimo Filio offerendum. Jamque multiplici laureâ & immortali palma donatus , non Badagis modò & Acenos Maurosque profligatos , sed procellas , sed morbos , morbisque graviores corruptelas carnis , ac dæmonum vim & insidias ex omni parte superatas , ipsius potissimum ope , debita cum laude æternaque veneratione , Dominae in clientibus etiam *Victori* ac triumphanti gratulatur.



Q